

ՀԵՏԱԶՉՈՏԱԿԱՆ

ԱՇԽԱՏԱՆՔ

Թե՛մա՝ Ինտեգրված պարապունքների կազմակերպումը
կարողունակա՛հեն կրթական մոտեցման համատեքս-
տում

Գաստիարակ՝ Սուսաննա Արշակյան

«Արարատ հաայնքի, Արարատ քաղաքի Մովսես
Գորգիսյանի անվան թիվ 2 մսուր մանկապարտեզ »
ՀՈԱԿ

Արարատ 2023

Բովանդակություն

Ներածություն.....	3
Գլուխ 1.....	4
Եզրակացություն.....	9
Օգտագործված գրականություն.....	10

ՆԵՐԱԾՈՒԹՅՈՒՆ

Նախադպրոցական կրթության հիմնական նպատակն է ապահովել երեխայի մտավոր, սոցիալական, հուզական, համակողմանի ներդաշնակ զարգացումը: Այն նպատակին ուղիներից է՝ մանկապարտեզում ուսումնա-ռությունը ինտեգրված պարապմունքների միջոցով կազմակերպելը: Թե-մատիկ պարապմունքների ընթացքում կարևորում են գործունեության այն ձևերը, որոնք պահանջում են ինքնուրույն մտածողություն, նախաձեռնություն, անձնական կարգապահություն, շրջապատում կատարվող փոփոխությունների, ճիշտ ընկալում:

Կրթությունը պետք է լինի ճշմարիտ,
Լիակատար, պարզ ու հաստատուն:

Յ. Ա. Կոմենսկի

Մեր դաստիարակության աշխատանքը պետք է զուգակցվի կոլեկտիվիստի անեցման կարողության հետ և միաժամանակ՝ կոլեկտիվիստական այդ իրադարձության մեջ երեխայի անձի բազմակողմանի զարգացման համար հնարավորություն ընձեռնելու համար:

Ն. Կ. Կրուպսկայա

Ուսուցումը բնորոշ է մեծի ակտիվ, ուսուցող դերով: Դա հնարավորություն է տալիս նպատակաուղղված իրականացնել խնդիրները, ընթանալ արդյունավետ ուղիով:

Ս. Պ. Ուսովա

Նախադպրոցական տարիքի երեխաների մեջ անհրաժեշտ է սերմանել և մշակել այնպիսի որակներ ու հատկություններ, ինչպիսիք են՝ քննադատական մտածողությունը, հետաքրքրասիրությունը, անմիջականությունը, երևակայությունը, զարմանալու, աշխատանքից գեղագիտական հաճույք ստաալու սովորությունը: Բոլոր երեխաներն այս կամ այն չափով օժտված են այս հատկանիշներով, բայց հաճախ կյանքի առաջին տասնամյակում կորցնում են դրանք: Մինչդեռ այն հատկությունները կարևոր դեր են խաղում հատկապես սովորելու գործընթացում:

Թեմատիկ ուսուցումը ապահովում է երեխայի մտավոր, սոցիալական, հուզական, ֆիզիկական և գեղագիտական ոլորտների համակողմանի և ներդաշնակ զարգացումը: Բազմակողմանի զարգացման ուսուցման մեջ հաջողակ երեխաները մեծանում են հոգատար, աջակցող միջավայրում: Այսպիսի մթնոլորտը զարգացնում է երեխաների մտավոր և լեզվական ունակությունները, և ինքնուրույնություն ներշնչում նոր ձեռք բերվող գիտելիքները կիրառելու համար: Դա է պատճառը որ մեր մանկապարտեզում շատ է կարևորվում ինտեգրված պարապմունքների անցկացումը:

Գլուխ 1. Աշուն


Նպատակը

Կրթական. 1.1 Ամրացնել երեխաների գիտելիքները բնության մեջ տեղի ունեցող փոփոխությունների, կենդանիների, բույսերի, բնության մեջ մարդու աշխատանքի վերաբերյալ: Ձևավորել ընդհանուր պատկերացում աշնան մասին, ընդլայնել պատկերացումները աշնան բնութագրիչ հատկանիշների վերաբերյալ, ձևավորել մտքերն ինքնուրույն արտահայտելու, հարկ եղած դեպքում ձեռք բերված գիտելիքները օգտագործելու կարողությունը:

Չարգացնող. 1.2 Չարգացնել վերլուծական մտածողությունը, ուշադրությունը և հիշողությունը: Ճշգրտել երեխաների տպավորությունը սիրելի քաղաքի, աշնանային տոնակատարությունների վերաբերյալ:

Դաստիարակչական. 1.3 Դաստիարակել սերը հայրենիքի հանդեպ, երեխաբերին հաղորդակից դարձնել հրայրենի բնությանը, ազգային մշակույթին, սովորեցնել պահպանել բնությունը:

Բառապաշարի հարստացում. 1.4 Գործնականորեն իրականացնել տերևաթափ, ոսկե, գույզգույն, նախշուն, ամպամած, վարդագույն, դեղնահեր, բարեբար, բազմագույն, գունագեղ, անձրևոտ, բերքառատ, դարչնագույն, մանուշակագույն, ոսկեհեր բառերի ուսուցում: Անհրաժեշտ պարագաներ՝ գունավոր տերևներ, մթերք և բանջարեղեն, պրտուղներ, նկարներ Մ. Սարյան «Աշնան մրգեր», «Արարատյան դաշտավայրը» և ռուս նկարիչ Լևիտանի «Աշուն» բնանկարը :



Մ. Սարյան





Լևիտանի «Աշուն»

Պարապունքի ընթացքը՝

Զրույցը սկսել աշնան մասին հանելուկներով:

Այդ ընթացքում, որպես շարժառիթ, հնչում է հատված Է. Վերերի ստեղծագործությունից:

Հանելուկ՝ Ղ. Աղայան, «Այդ ե՞րբ է լինում»

Օրն է կարճանում,
Ծառն է մերկանում,
Անձրև է մաղում,
-Այդ ե՞րբ է լինում: (Աշնանը)

Երեխաների պատասխանները լսելուց հետո առաջարկեցի նկարագրել օրվա եղանակը տվյալ պահին և կատարել համապատասխան նշումներ բնության օրացույցում:

- Այժմ տարվա ո՞ր եղանակն է:
- Աշուն է: (Երեխաներ)
- Երեխաներ այժմ մենք պատմենք, թե ի՞նչ գիտենք աշնան մասին:
- Ինչպիսի՞ն է աշունը: Օրացույցի ո՞ր օրվանից է սկսվում աշունը: (Աշունը սկսվում է սեպտեմբերի մեկով):
- Որո՞նք են աշնան ամիսները: (Աշնան ամիսներն են՝ սեպտեմբեր, հոկտեմբեր, նոյեմբեր):

- Ի՞նչ տոներ ենք նշում աշնանը: (Գիտելիքի օրը, անկախության օրը, ոսուցչի օրը, մեր քաղաքի տոները, բերքի տոներ):
- Ի՞նչ փոփոխություններ են տեղի ունենում կենդանական ու բուսական աշխարհում, ո՞ր կենդանին է աշնանը ձագուկներ ունենում:(Աշնանը ձագուկներ է ունենում նապաստակը, թիթեռները դառնում են հարսնյակ, բզեզները ձու են ածում և սատկում: Միջատները մտնում են ճեղքերը, կույ են գալիս ծառերի կեղևների տակ և այդպես էլ ձմեռում :Սկյուռը պաշար է հավաքում ձմռան համար: Գորտերը ծածկվում են տիղմի մեջ կամ թաքնվում ջրամբարի հատակում):
- Ի՞նչ է փոխվում թռչունների կյանքում և վարքագծում, ո՞ր թռչուններն են չվում և ինչու:Որո՞նք են մնում մեզ մոտ ձմեռելու:

Երեխաներ- Կան թռչուններ, որոնք չվում են տաք երկներ՝ ծիշեռնակը, արագիլը, կռունկները, սագերը, սարյակները, իսկ մե մոտ մնում են ձմեռելու կաչաղակները, ճրճրճուկները, ագռավները և այլը:

-Էլ ի՞նչ փոփոխություններ են տեղի ունենում աշնանը բնության մեջ:

Երեխաներ-Աշնանը սկզբում տաք, արևոտ եղանակ է լինում, իսկ վերջում սկսում են օրերը ցրտել: Երկնքում հաճախ կուտակվում են սև ամպերը լինում է ամպրոպներ, անձրև է գալիս, փչում է սառը քամի՝ քամին պոկում է ծառերի տերևները ու քշում հեռու-հեռու:

Երեխաներ, քանի որ դուք նկարագրեցիք աշունը, այժմ ժամանակն է գնալ աշնանային զբոսանքի, տեսնելու, թե ինչպիսին է մանկապարտեզի բակն աշնանը:

Երեխաները խմբով իրականացնում են երևակայական զբոսանք դահլիճում: Նրանք համեմատում են ծառերի տերևները, դրանք նմանեցնում տարբեր երկրաչափական պատկերների, բացատրում են, թե ինչու՞ են տերևները խշխշում:

Երեխաներ- Աշնանը մեր շրջապատում շատ գույներ կան, բայց ամենից շատ դեղինն ու նարնջագույն են:

Աշխուժացնող խաղ՝ «Տերևներն ու քամին»

Հնչում է հատված Վիվալդիի «Տարվա եղանակները» ստեղծագործությունից: Տերևները հանդարտ իրենց տեղերում: Քամու ժամանակ սկսում են պտտվել: Աշունը նաև ամենաբերքառատ եղանակն է: Մրգեր, բանջարեղենը, աշնանային տերևներն ու ծաղիկներն իրենց տարբեր գույներով գեղեցկացնում են մեր շրջապատը: Աշունն ամենաեռանդուն աշխատանքների ժամանակն է:մարդիկ շտապում են հավաքել բերքը պահածոներ են պատրաստում: Դաշտում ցորեն ցանելու համար մարդիկ վարում են հողը, ծածկում են խաղողի վազերը: Բերքահավաքի ժամանակ բոլորն ուրախ են և օգնում են միմյանց:

Ասացվածքներ՝ աշնան մասին

Ամռանը աշնան մեկ օրը տարի է կերակրում:

Ով աշխատի նա կուտի:

Ձեռք ձեռքի, որ տանք սարեր շուռ կտանք:

Աշունը այնքան գեղեցիկ է, որ մեր բանաստեղծները, երգահաններն ու նկարիչները գովերգել են այն իրենց ստեղծագործություններում:
Երեխաները արտասանում են Հ. Թումանյանի «Աշուն» ոտանավորը:

Դեղնած դաշտերին
Իջել է աշուն.
Անտառը կրկին
Ներկել է նախշուն:

Պաղ-պաղ մեզի հետ
Փչում է քամին,
Քշում է, տանում
Տերևը դեղին:

Տխուր հանդերից
Մարդ ու անասուն
Քաշվում են կամաց
Իրենց տունն ու բուն:

Ի՞նչ բառերով կարող ենք նկարագրել աշունը:
Երեխաներ- Ոսկեգոծ աշուն, գեղեցիկ աշուն, գունագեղ աշուն, դեղնակարմրավուն աշուն, բերքառատ աշուն և այլն:

Ի՞նչ նվիրեց մեզ աշունը:
Երեխաներ- Աշունը մեզ նվիրեց ուրախություն, գույներ, բերք, արև, տերևաթափ.....

Դիտակտիկ խաղ՝ «Գտիր ինձ»

Նպատակը՝ Երեխաների մեջ ամրակայել բանջարեղենի, մրգերի, դրանց գույների և ձևի մասին պատկերացումները:



Խաղի համար պահանջվող նյութեր՝ քարտի վրա պատկերված մրգերի և բանջարեղենի համապատասխան գույներով սկավառակը պտտող սարք, խաղանիշներ (երեխաների մոտ):

Խաղի կանոնները

Երեխաներին հարցնում են, թե ինչե՞ր են պատկերված խաղաքարտերի վրա և ինչպիսի՞ գույներ ունեն դրանք: Խաղին մասնակցում են հինգ հոգի: Յուրաքանչյուր ենթախումբում մեկ երեխա պտտեցնու է արքը: Սլաքը կանգնելուց հետո երեխաներն արագ տեղադրում են խաղանիշները՝ համապատասխան գույնի պատկերի վրա:

Այնուհետև երեխաների աշխատում են արվեստի կենտրոնում՝ բաժանվելով երկու խմբի:

Նկարչություն՝ ծեփի տարբերակով՝ «Աշնան բարիքներ» (աղի խմորից նախապես ծեփած բանջարեղենի և մրգերի նկարագարում)



Այլիկացիա՝ համագործակցությամբ ստանալ աշնանային ծառ՝ գույնզգույն տերևներով:

Պարապմունքը ամփոփեցի հետևյալ հարցերով՝

1. Ինչի՞ մասին էին զրուցում:
2. Աշունն ի՞նչ բառերով գովերգեցինք:
3. Ի՞նչ նվիրեց մեզ աշունը:

Պարապմունք անցկացրել են ավագ խումբում:

Եզրակացություն

Այսպիսով երեխաների կրթելու հիմնական նպատակն է զարգացնել ինտելեկտուալ, սոցիալական էմոցիոնալ, ֆիզիկական, էստետիկական, բազմակողմանի և համահունչ դաստիարակություն: Նպատակին հասնելու համար մեծ դերում է գտնվում մանկապարտեզում ներգրաված պարապմունքներից մեկը: Թեմատիկ պարապմունքի ժամանակ երեխաները մտածում են ինքնուրույն, և համագործակցում:

ՕԳՏԱԳՈՐԾՎԱԾ ԳՐԱԿԱՆՈՒԹՅՈՒՆ

1. Յ. Ա. Կոմենսկի
2. Ն. Կ. Կրուպսկայա
3. Ս. Պ. Ուսովա